

apparatu Rex à Lugdunensibus exceptus erat, Regem rogat num dare hoc voluerit Theologis, vt Biblia à suo typographo impressa supprimerentur. Rex verum esse pronuntiat, quia Theologi me hominem quouis haeretico nocentio-rem conquesti, id persuasissent. Non tamen se quod postulabāt, alia cōditione dedisse quàm vt articulos toties expetitos proferrēt. Pergit Castellanus, satisque multis verbis Regi indicat abeundū mihi esse, natalique solo migrandum. Theologorum ingenium tale esse vt ad extremum vsque vitæ persequātur, contra quos Regis aut iudicum fauorem suis mēdaciis eblanditi essent. Respondet Rex, non propterea mihi esse migrandum: tantum cauerem nequid in futurum: simulque bono vt essem animo iubet, pergeremque in ornanda sua typographia promote officium præstare. Vbi hæc renuntiata sunt, cōsisto. Interea silēt Theologi, nec suas literas euulgāt: quod mihi sanè mirū videbatur: diuulgassent autem scio, nisi de proferendis articulis facta in literis mentio obstitisset. Guen-
curtius, vt est versipellis, hæc astutè dissimulās, collatis inter se capitibus, subornat Robertum